

文苑英華卷第五百八十六

表三十四

藩鎮謝官三

爲同州顏中丞謝上表一首

代鄭南海謝上表一首

爲安平公兗州謝上表一首

爲濮陽公陳許謝上表一首

刺史謝上表十三首

爲同州顏中丞謝上表

謝楚

臣某言伏奉恩制授臣同州刺史本州防禦長春宮等使

即以今月八日到任上訖載服明命叨塵寵光逾涯之榮

滿覆是懼臣某中謝臣幸逢昌時早獲入仕由乎邑吏參佐

戎藩材謝中人官寧期達聖朝道廣管蒯不遺遂得牧守
連擢大郡徒以清心自約直質在公未申致命之誠久負
竊位之責前秋屬奸兇構禍譟動諸方臣所部當州首爲
劫脅乃藉天聲以告鄰境戮其僞將以阻奸謀蓋知無不
爲是臣職分陛下特錄其微効超授方隅從政未洽於遠
人進律俄遷於近輔非次之獎臣何以膺又臣伯父贈太
師臣真卿在肅宗朝嘗典茲郡餘蹤遺事較然可徵臣以
不腆之姿繼序官業誠比德非省疑陳力異能而代授國
恩若未失墜臣不勝感涕榮荷之至當今德澤被於寰宇
薰風襲於隱微俗臻大寧吏易爲理臣專奉揚大化申報
皇慈事有未便於人者續具條奏以酬陛下子育之旨臣

無任戴恩隕越之至

代鄭南海謝上表

呂溫

臣某言臣自遠集作離闕庭晨夜奔波祗承寵命不敢違

寧謹以某月某日到所部上訖仰集作宣聖旨親諭遠人

酬恩之効未期戀主之誠已積臣某誠恐集作誠懼頓首

頓首臣本章句諸生需用無取徒以小心畏敬謬爲先聖

所知趨奉禁闈凌踰星紀屬內外危疑之際是非剖判之

初實以艱貞自持中立無倚天高聽近愚款獲申神幽鑒

明昌運斯屬遂蒙陛下擢於侍從超冠等倫用其憂國之

寸心委以代天之重務俯履三命炎涼五周登車奉馭朽

之懷假寐感宵衣之志徒耗神用莫能將明篋盈謗而方

賜駃騠鼎打足而未忘簪履集作竟以陳乞遂其優容無
綺季真黃之德而猥當調護無寶融賈復之勞而獲奉朝
請以此沒齒猶爲負恩豈意曾未踰年忽蒙抽獎廟授鈇
鉞廷賜旌旗俾臣儒夫當此大任節制五嶺幅員萬里伏
波之銅柱猶在末謝奇功士燮之鼓吹日聞彌慙武幹將
何以宣美皇化振揚國威洗愆責於千齡答生成於再造
唯當舉章脩法苦節清心撫犢俗以思柔酌貧泉而無懼
庶幾萬一仰副憂勤但以白日在天長安不見丹涯限地
溟海方深顧蒲柳之前衰奉軒墀而尚遠無任感戀屏營
之至謹差某官某奉表陳謝以聞

爲安平公交州謝上表

李商隱

臣某言臣自承明詔移鎮東藩望闕而血涕以辭戒途而

星奔不息即以今月五日到任上訖當時集軍州官吏等

宣布皇風聞揚玄造歡聲雷動嘉集作氣雲高臣某中臣

本由儒業獲廁榮朝與自烏臺至于青瑣累更近地皆奉

休期用盡心以書紳長憂福過取知足而銘座敢傲時來

旋屬皇帝陛下垂意闕城推心旬服俾之防遏兼使緝綏

橫被天浹未移星瑄豈期非次忽致殊遷察俗雄藩分榮

大憲地濱河濟山奄龜蒙本孔里周封有堯祠舜澤九州

之名數甚古三代之禮樂舊傳退省何人合安茲地撫躬

而集作背汗下仰恩而溢音回淚流况所部驍雄素兼節

制爲於當代便屬文音畫武聚螢昔唯父事筆硯佩鞶帶

鵬今寧能執干戈幸臣前在華州日度奉詔條克宣戎律
檢下而羊無父牧馭黠而犬用左牽用令去任之時大有
遶留之請盡三屬縣至萬餘人不放即途皆來卧轍竟稽
朝發遂致宵奔請於茲時亦因前政冀漸令蘇息長使謐
寧然後遠訪雲亭高尋日觀備萬乘登封之所設諸侯朝
宿之儀盛禮獲窺微願斯畢過此已往不知所圖無任戴
恩頌越之至謹差某官某奉表陳謝以聞

為濮陽公陳許謝上表

前人

臣某言臣伏奉去月八日制書授臣前件官臣即以某月
日到任上訖當時集軍州官吏僧道耆老等諭揚皇集作
化宣布睿慈連營咸鼓於巽風闔境均霑於父澤臣某

材謝漢飛義慙燕使

集作

獻書求試學劍邀勳大舸千

艘早竊樓船之任勝兵萬數晚兼車騎之名雖任在啓行

而時當柔遠珠崖銅柱祗務庶平麻壘艾亭莫能恢復旋

屬皇帝陛下荆枝叶慶棣萼傳輝臣得先中墨車入拜册

陛蘭臺假號棘署叅榮奉漢后之園陵獲申送往掌周王

之廩庾方切事居不謂遽董戎旃還持武節賜國既高於

七命承家又慶於重侯維彼壁田實聯鼎邑古之近甸今

也雄藩想像汝南星聚而先賢未遠經過穎上水濁而強

族皆除况在昔年常隣多壘載瞻軍額深見士心貴忠孝

之兩全則忠可移孝正文武之二道則武可輔文將謀將

領之能必重英豪之選豈虞拔擢乃出孱微謹當阜俗而

必致人和貞師而不為兇戲使流庸自占驍悍知方任棠

水薤之規臣當可服黃霸米塩之政臣亦不遺粗勤報効

之資用贖食饗集作之責奉違軒鏡幾洛堯莫比園葵以

自傾晝唯向日羨海槎之不繫秋則經天感激而淚血霑

衣兢憂而汗雨浹集作背無任感恩戀闕兢惕屏營之至

濠州刺史謝上表

獨孤及

臣及言臣伏奉今年五月一日勅授臣使持節濠州諸軍

事濠州刺史臣頃待罪禮官備員即署職曠無補增懼且

愧陛下不以臣愚擢居二千石之列今之刺史古之諸侯

州人安否係在一吏臣非其才無以稱旨奉詔之日懼又

甚焉以閏六月十二日到任所集作上訖唯當奉宣聖詠

竭誠叩下瞻戀天造酬効無階無任喜懼之至謹附驛奉

表陳謝以聞臣及誠惶誠恐頓首頓首

常州刺史謝上表

前人

臣及言臣伏奉去年十二月二十三日勅授臣使持節常

州諸軍事守常州刺史克常州類表作團練守捉使臣伏

以江東之州常最集作為大類表作常為大部陛下不以臣不肖

拔臣於群吏之中以考則年未久以勞則功無可錄而除

拜之次加於人一等臣及誠惶誠恐頓首頓首臣徃歲常

忝諫官歷博士尚書郎之秩雖備嘗獻納累黷天聰集作

竟無絲髮裨補盛明集作及典濠舒二州出入七年又不

能副陛下政平訟息與我共理集作之嘆至如流人自占

旱不為災實由陛下當勤兩集作之初下哀痛之詔寬減

租稅入三分之一是以和氣傍感災變為福福流臣州人

是以又類表臣寧敢貪天之功以為已力今陛下賜臣詔

曰斷獄歲減流庸日歸以人俗之豐給當淮湖之災旱陟

爾明効宜列中朝臣無其實謬奉殊獎集作恩伏覽聖旨惶

悚殞越况遇陛下厲精百揆之始日以堯吁舜咨旁求俊

造或經時不除一吏除必公才為先苟非其人位不虛授

縉紳之輩僥倖望絕臣當此時類表如此非獨荷榮寄人之多

幸將自臣始致寇連謗實憂自類表貽今以三月十七

日到州上訖雖欲勉勵疲鈍勤集作脩吏職懼力不逮上

累皇明奉詔夕惕且慙且駭無任感戴喜懼之至謹奉表

陳謝以聞

為張洪州刺史謝上表

前人

臣某言伏奉某月日勅除臣使持節都督洪府集作諸軍

事洪州刺史充洪府等七州都防禦觀察等使臣才不如

人位忽過量仰戴天造兢然自失臣某誠惶誠恐頓首頓

首臣往歲安祿山以盜泉飲臣臣受左衽之辱而不能死

陛下以鴻私活臣臣荷乾坤之施而不能答徒竊寵榮類表

秩三典藩郡至如俗阜類表不擾人或小康此實堯風被

物比屋日用臣敢貪天功以為已力不謂陛下獎勤勸是務

以臣為勤自春徂秋凡三錫命九州之伯臣忝其一况豫

章重鎮荆揚奧區五嶺控其南九江在其北軍師之統集作

連率安危是繫分憂之寄豈臣足當負荷恩光集作懼殞

越于下今以某月日到任所集作所部上訖謹當靖恭守位夙

夜在公宣皇猷以導風俗伏天威以訓師旅庶以四境無

虞百姓輯睦為報力或不足則繼之以死臣之分也敢有

二事臣無任感戴喜懼之至謹奉表陳謝以聞

為張濠州謝上表

前人

臣休集作休言臣頃陷身兇族待罪黃沙戮社釁鼓職集作是

臣之分陛下照臣以日月之光察其微懇拔臣於縲紲之

下授以專城今日餘生實聖朝所賜寵章榮命豈賤臣之

心碎首粉骨未答天造今以某月日到濠州上任訖類表作到

州上謹當竭力守官正身率下勉勵苦節緝綏疲人冀立

犬馬之誠或伸絲髮之効無任感懼之至謹附表陳謝以

聞

代容州刺史謝上表

時在邕州相

劉禹錫

臣某言伏奉某月日制授臣容州刺史兼御史中丞克本

路川文粹經畧招討等使臣發開州日已差某官某奉表

陳謝伏以道途遐阻水陸縈紆臣以今月某日到本任上

訖謹宣聖旨慰諭遠人臣某中謝臣本書生素無吏術頃因

多幸賁自川文粹丘園累沐聖慈驟居清貫識昧通變動

垂事宜慚集作愧無善狀以塞公責伏惟睿聖文武皇帝陛

下凝旒穆清洞照寰海恕臣本性拙愚賜以恩輝一作被

於廢棄遠辭偏郡重鎮集作委方隅捧印綬而為榮望闕庭

而增戀雖到官之始惠未及人而率下之誠務先克已凡
施政教皆稟詔條參以土宜遂其物性可行必守有弊必
除使集作便蠻夷生梗之風慕臣子盡忠之道力誠不足心
實在茲伏乞聖明俯賜照集作昭鑒云

連州刺史謝上表 憲宗

前人 元和十年

臣某言伏奉去三月七日制授臣使持節連州刺史恭承
睿旨跪奉詔書皇恩重於丘山聖澤深於雨露抃舞失次
神魂再揚誠歡誠懼頓首頓首臣性本愚拙謬學文詞幸
遇休明累登科第出身入仕並不因人德宗臨御之時臣
忝御史陛下龍飛之日臣忝郎官恭守章程勤脩職業權
臣奏用蓋聞虛名實非曲求可以覆視跡卑易枉無路自

明亦緣臣有微才所以嫉臣者衆競生口語廣肆加誣伏

賴陛下至仁特從寬集作寬刑典舉以緣坐貶佐遐藩屢易集

變星霜頻經恩赦犬馬懷戀寢興匪寧惟讀佛經願延聖

筭集作壽昨蒙詔命追赴上都隨例授官俾居遠郡在臣之

分榮幸已多伏荷陛下孝理弘深皇明照燭哀臣老母羸

疾憫臣一身零丁特降新恩移臣善郡集作得光榮廣被

母子再生凡在人臣皆感聖德凡為人子皆荷聖慈豈惟

賤臣獨蒙集作受恩造不覺喜極至於涕零昔殷王俯念於

前禽且聞解網漢帝有哀於少女爰命罷刑方之聖朝不

足多尚感召和氣慰安群生非臣殞越所能上報伏以南
方癘疾多在夏中自發柳集作柳州便染瘴癘扶策在道不

...

敢停番即以今月十一日到州上訖謹宣聖旨以示遠人
恭述詔條所期安復禱作無任感恩戀闕之至

此篇元編在五百八十七卷今移此

和州刺史謝上表

前人

臣某言伏奉制書授臣使持節和州諸軍事守和州刺史
臣自理巴賓不聞善政恩私忽降慶抃失容臣某中謝伏惟
皇帝陛下丕承寶祚光闡鴻猷有漢武天人之姿稟周成
曆哲之德發言合古舉意通神委用得人動植咸悅理平
之速從古無倫微臣何幸獲覩昌運臣業在詞學早歲策
名德宗尚文非推為御史出入中外歷事五朝累承恩光三
換符竹在分憂之寄祿秩不輕而素蓄所長効用無日臣

聞一物失所前王軫懷今逢聖朝豈患無位臣即以今月
二十六日到所任在上訖伏以地在江淮俗叅吳楚災旱之
後綏撫誠難謹當奉宣皇風集作慰彼黎庶恩於其道冀
使知方伏乞聖慈俯賜照集作鑒臣無任

蘇州刺史謝上表

前人 大和元年

臣某言伏奉制書授臣蘇州刺史始從即署出領郡長承
命若驚省躬增集作感臣某中謝伏惟皇帝陛下受上玄之
眷佑揚列聖之耿光大康黎元慎擇牧守德音每發品物
咸蘇臣本書生素無黨援謬以薄伎三登文科德宗皇帝
擢為御史在臺三載例轉省官永貞之初權臣領務遂奏
錄用蓋聞虛名惟守職業實無朋附一作竟坐飛語貶在

遐藩憲宗皇帝後知事情却授刺史凡歷外任二十餘年
伏遇陛下應運重光物無廢滯收拾耆舊塵忝班行既幸

逢時常思展効在集賢院四換星霜供進新書二千餘卷

集作集供御書二十餘卷儒臣之分其老於典墳優詔忽臨又委之符

竹分憂誠重戀闕滋深石室之書空番筆札金閨之籍已

去姓名本末可明申雪無路豈意聖慈弘納不隔卑微面

辭之日特許外殿天顏咫尺臣禮兢惶不敢盡言空懷誠

懇謝恩而出生光於九陌之間授訓而行布政於五湖之

外臣即以今月六日到任上訖伏以水災之後物力素集

素空臣謹揚川文粹作皇風慰彼黎庶臣聞有味之物嘉

顯必生有才之人讒言必至事理如此古今同途了然辨

之唯在明聖伏惟陛下察臣此言則天下之人無不幸甚

江海遠地孤危小臣雖雨露之恩幽遐必被而犬馬之戀

親近為榮臣無任

汝州刺史謝上表

前人

臣某言伏奉去年七月十四日詔書授書使特節汝州諸

軍事守汝州刺史兼御史中丞充本州集作防禦使餘如

故者臣久居遠服戀闕常深忽降新恩近鄉為貴承旨慶

抃省躬慙惶臣某誠歡誠喜頓首頓首伏惟皇帝陛下垂

衣清穆之中旁照寰瀛之內車書所及動植咸安臣昨離

班行遠守江徼延英辭日親奉德音知臣所部灾荒許臣

到任條奏恭承睿旨宣示群黎減其征徭頒以賑賜伏蒙

聖澤救此天災疲羸再甦幼艾同感二年連遭水潦百姓
幸免流離交割之時戶口增長雖才術不至於事未周而
憂勞則深為衆所悉臣本業儒素煩登文科帝命遽廻集
時命再領軍郡即以今月二十七日到州上訖謹當奉宣
遭廻聖化慰撫集彼蒼生臨汝海集之波朝宗尚阻望秦城
之日迴照何時臣無任感激屏營之至

同州刺史謝上表

前人

臣某言伏奉去年十月二十二日制書授書使持節同州
諸軍事守同州刺史兼御史中丞充本州防禦長春宮等
使恩降九重榮忝三輔承旨慶抃省躬慙惶臣某中伏惟
皇帝陛下丕丞承列聖光闡鴻猷氛祲掃除乾坤交泰臣幸

注集作
李州

逢昌運累沐殊私空荷生成之恩寧酬雨露之澤即以今
月二十日到州上訖謹宣睿旨安慰蒸黎伏以本州四年
以來連遭旱損閭閻凋瘵遠近共知臣頃任蘇州之年亦
遭大水之後面辭之日親奉德音至於撫綏皆承聖教二
年之後百姓獲安今本部灾荒物力困涸忝為長史敢不
竭誠即須滌流續具聞奏臣恪居官次幸接王畿不獲拜
舞彤庭陳露丹懷犬馬懷戀寢興匪寧瞻魏闕之容朝天
尚阻望長安之路近日為榮臣無任感激屏營之至

為道州許使君謝上表

今孤楚

臣某言伏奉某月日勅旨授臣道州刺史恭承榮命拜伏
寵光如出井谷而見日月臣某中臣聞周室建侯每先親

舊漢朝置守必選循良臣公才茂聞利用無取自幼及壯
終艱且拙然而竭誠以許國必盡二字類表作畢力而在公一辭

朝右累守郡佐不寒自慄無水而沉伏惟陛下頒帝堯分

命之典敷孝宣共理之詔方須俊乂以輯惇嫠若臣之倫

何敢望此不圖恩從上降命自中出付以金印委之竹符

立有光耀坐生羽翼荷天地之德戴山為輕感雨露之仁

測海猶淺謹以某月日便道到州上訖誓當佩帶以勵志

置水而清心酌遠俗之便宜節下人之好惡使豪奪類作表攬

歛手疲羸息肩雖不足稱陛下慎擇眷求之意其於乾乾

憂濟庶分萬一臣官守所恨不勝疑蹈舞天庭無任

衡州刺史謝上表

穆岸

前人

元和十五年

臣某言去九月十五日於宣州伏奉某月日勅旨貶授臣

使特節衡州諸軍事守衡州刺史散官勲賜如故仍馳驛

發遣者嚴威成命忽降自天戰灼飛魂如臨于谷臣某中謝

臣素以凡品謬登高位雖滿盈是一作戒每剖刻一作肺腑

而怨讟所歸難防頰舌屬奉陵無狀選吏不精多偷見緜

一作錢連斃枯木擢臣之髮豈可贖罪粉臣之骨不足勝刑

伏惟皇帝陛下德厚於乾坤明齊於日月斷自深慮遽置

寬科降受郡符錫留命服九重殊渥并荷生成萬殞殘骸

何由報効以今月十二日到所部上訖伏以君親同致臣

子一例一作情有思於聞達理合具而奏陳今臣官忝頒

條職非奉使謝上之外拜章無因欲隱默而不言懼中傷

而未已何者微臣頃蒙朝獎謬列宰司誠不曾壅隔賢才一作才賢怨臣者至寡辭京之後毀臣者則多今却望朝廷更無庇援曲全孤賤唯託聖明特乞眷慈俯鑒哀懇庶使窮鱗懷躍波之望幽蟄有聞雷之期仰天垂涕伏地流汗不勝感恩懼罪戰慄屏營之至臣無任一作皆唐類表

為石州刺史謝上表

前人

臣某言伏奉某月日恩制一作勅授臣石州刺史持節石州

諸軍事謹以某月日到所部上訖祗奉一作拜明命伏深戰

越臣某謝臣本瑣材素無明畧雖被堅執銳曾立絲髮之

功而化人成俗未知蕭弦之政豈意陛下錄其微効忘一作

委此無能付臣以六條之法委臣以千里之地况離石古

郡洪河巨防官惟其人位不虛授內顧一作揣庸劣將焉克

堪誓當宣陛下之風達其堙鬱布陛下之澤潤其枯槁少

助神化微分聖憂然後退歸農畝以一作避賢路臣不勝

惓欵屏營之至一作皆唐類表

校正六十二字

十月初二日

文苑英華卷第五百八十六

文苑英華卷第五百八十七

表三十五

藩鎮謝官四

爲滎陽公桂州謝上表一首

爲懷州李中丞謝上表一首

刺史謝上表十首

爲滎陽公桂州謝上表

李商隱

臣某言臣奉違禁掖祗役遐陬雖懸就日之誠懼曠宣風

之寄柔轡載揚於末路輕船利濟於大川即以今月九日

到任上訖臣某中謝臣係承儒訓生屬昌期初掛弁髦即

親筐篋嘉樹無忘於封殖青氈不落於寇偷再擢詞科一

登冊府徂遷歲律浮泛軍裝忽影華英俄列通籍極望郎

於南省備給事於左曹中間帖掌臺綱分脩國史旋植孽
童拒詔集作狂虜亂華副中憲以急宣佐威城而遙護督

晉氏遷延之後絕戎人值邏之奸敢伐善以攘踰固盡誠

於養棟集作伏惟皇帝陛下武推時夏文號欽明方將展

奉紫泥恭拜青瓊豈意遽分專席叨賜再麾首南服以稱

藩控西原而遏寇塞帷廉部猶恐墜於斯文橫槩令軍實

致憂於不武雖期竭力終懼敗官况俗雜華夷地無縣道

文身椎髻漸尉佗南越之餘叩鼓鳴鍾傳士變州交之態

網踈則魚涌繩急則麀驚欲經緯以合宜顧膏弦而匪易

伏願陛下務脩儉德廣扇庶風拾翠採珠不勤異物驅犀

逐集作象用示深仁始於問俗之時便獲稱君之美臣亦

當求規水薤取戒脂膏冀少息於群集作黎庶免拘於司

敗集作三梁路阻九嶠山集作遙浮江遇一作楚澤之萍

望國隔番禺之桂遐思白鳥鎮颺音於周圍之中遠羨仙

贊求固本於堯陛之上無任感恩望闕結戀屏營之至

為懷州李中丞謝上表武宗前人

臣某言臣伏奉某月日制書授臣某官者天旨下臨星言

東驚即以今月某日到任上訖臣某中謝臣聞漢分刺舉

之條三河最重唐制郊圻之數二宅唯均况蘇公舊田懷

侯故邑太行會險德水通津在申畫之間素為清地語翁

張之勢號一作實曰要區自河上致軍以幕中分理地雖密

邇事異躬親伏惟仁聖文武至神大孝皇帝陛下神以運

機聖而制變將鎮頑梗更務恢張由是開三壘之新規復
數朝之故事齋壇將節重加庶郡之雄皂蓋朱幡各有爲
州之貴遠徵三紀間有兩人陶某以吏理當材鄭某以名
家正授清塵不遠餘烈猶存頒條之寄繼祖爲難若臣者
品以勲昇官由賞達徒慕益恭之美以承猶宥之恩過獎
在朝承乏充使將聖代懷柔之德率昆一作夷畏慕之心
萬里以遙三時而復副介不離於痼疾一作疾故人一作人從免
難於凋零敢於跋涉之勞自彼生成之賜豈謂皇帝陛下
謂能專對遽委牧人仍其栢署之雄錫以竹符之重遂使
霍氏固辭之第早建雙旌于公必大之門更屯五馬賢無
所象分可自量入祖廟而歛驚瞻父堂而益懼况潞潞逆

孽許出全師繫集作此州兵橫制賊境無聲勢之任有資

靡之頃謹當懋舉詔書聽求人瘼思理行之第一誠愧昔
賢奉忠孝於在三亦唯先訓苟慙素誓則有神明伏遠雲
天已逾旬朔獻封人富壽之祝未卜其時懸子牟江海之
思莫知其極無任感恩攀戀闕庭之至

蘇州刺史謝上表 元錫

臣某言伏奉十一月七日恩敕授臣持節蘇州諸軍事守
蘇州刺史以今月六日到州上訖臣績用無聞寵章非次
恩崇勅淺任過憂深承命震惶不知所措臣某中謝伏惟
睿聖文武皇帝陛下道符乾元功配坤德盛明叅於兩曜
休烈冠於百王覆幬群生憂勤庶政至於牧人長吏簡在

宸衷然後明視達聰獎勞懲過俗臻壽域該疑靡窮人是
以列郡庶尹莫不其於隕首以答玄造臣藝術非工吏能
罕立累因過幸嘗忝官榮所歷衢婺兩州皆屬荒殘之後
侵漁積疑作息是朝廷法令之明饑饉不生厲年歲豐稔
之運績無異等恩被殊私累貪天功以竊身寵况東吳繁
劇首冠江淮自非良能豈可妄處受任踰重兢慙失圖獨
不汰侈於法程宴安於寢食誓刻肌骨用申涓毫無任受
恩慚懼之至

福州刺史謝上表

前人

臣某言臣才不一作無過人位忽踰量跼踖無措憂慙不容
臣某誠惶誠懼頓首頓首臣歷忝方州誠無異効至如俗

幸不擾人懷小安是屬天時實非臣力况自永貞以來陛
下每降卹隱之澤則惇嫠保安發賑救之仁則瀉灾不起
法令昭著姦類表邪已清時歲豐穰流庸類表自占比屋
日用豈臣之功陛下勸獎道崇葺一作綏念切採擢凡品
統臨列城將何以表正一方肅清群吏庶竭微力仰酬天
慈力不足則繼之以死是臣職分所當奉行秉茲一心敢
有貳事以今月二十八日到所部上訖謹奉表陳謝以聞

衢一作婺州刺史謝上表

前人

臣某言伏奉九月二十一日恩旨授臣衢一作婺州刺史以
今月十八日到州上訖祇承寵光魂首飛越臣已嘗試任
績用無聞存沐恩私兢惶靡措臣本諸生行能罕立徒以

親知謬舉踐履踰涯常叨省署之榮亟歷萬方之重事懷
覲冒恩戴生成伏以浙東諸州衢一作婺為大郡累經荒險
切在保饒憂勤所分簡求非易臣自量智力懼不勝任守
信偷安踰年受代當此益重實昧寵章頃屬旱災相繼天
喪過半生聚長育理難卒平賦歛徵求物有常數自前年
以來陛下以覆育之慈深布帛憫賑貽口食蠲復地征人
用昭蘇氣消疢瘼竊以匹夫遂性天下懷仁况江表獲安
動踰百萬臣職當撫字倍切常情欲宣明詔條通達幽隱
敦實務本者勸之以農開通明敏者進之以學奉朝廷法
制守使府規模克勵小心庶無大悔有渝此志敢違明刑

宣州刺史謝上表

前人

臣某言中使王文朝至伏奉六月六日恩制授臣宣州刺
史兼御史中丞充宣歙池等州都團練觀察處置等使以
七月二十九日到鎮上訖臣謬承寵章顧影慙灼祇奉明
詔撫心震驚臣其中謝伏惟元和聖文神武法天應道皇
帝陛下嗣承大寶光啓中興德洽生靈道超今古平逆亂
之本建太平之階將澄化源先正理道詳授一作擇長吏撫
綏疲人冀厚生成用頒教化以臣庸昧何以表率一方以
臣孱微何以訓齊百姓始懼貪冒終思悔尤伏以人之性
命懸在衣食衣食所繫蠶農為先使蠶不失時農無愆候
其在姦豪屏息賦役均平既絕侵漁雖災害不困既均物
力雖貧乏亦安不困而安可成富庶臣累叨重任願効一作

立微功嘗所粗知猶勉懼一作強不至况有未達豈昏愚可

任竊自思惟不違寢食一作處至若鉛刀一割之用駑馬再

馳之勤所願酬恩更期效命旬歲無補刑章敢逃無任受

恩惶恐之至一作皆唐類表

忠州刺史謝上表憲宗

白居易

臣某言臣以去年十二月十二日伏奉勅旨授臣忠州刺

史以今月二十八日到本州當日上訖殊恩收一作特獎非

次遷榮集作昇遷感戴驚惶殞越無地臣某誠喜誠懼頓首頓

首臣性本踈愚識惟褊狹早蒙採錄擢在翰林僅歷五年

每知塵忝竟無一字上答聖明及移秩宮寮卑冗踈賤不

能周慎自取悔尤猶蒙聖慈曲賜容貸尚加祿食出佐潯

陽一志憂惶四年循省晝夜寢食未嘗敢安負霜枯葵雖

思向日委風黃葉敢望霑春豈意天慈忽加詔命特從佐

郡寵授專城喜極魂驚感深泣下方今淮蔡底定兩河又

寧臣得為昇平之人遭遇已極况居符竹之寄榮幸實多

誓當負刺慎貞履冰勵節下安凋瘵上副憂勤未死之間

期展微効跼身地遠仰首天高螻蟻之誠伏希憐察無任

感激懇欵彷徨之至謹遣某官某乙奉表陳謝以聞臣某

誠惶誠恐頓首頓首謹言元和十四年三月二十八日

杭州刺史謝上表 前人

臣某言去年七月十四日蒙恩除授杭州刺史屬汴路未

通取襄漢路赴任水陸七千餘里晝夜奔馳以今月一日

到本州當日上集有訖外憂重寄任字訖外憂重寄集作上內省庸虛仰天

戴恩蹈集作地失次臣某誠感誠懼頓首頓首臣謬因文

學早忝集作班行自先朝黜官集作以來六年放棄逢陛下嗣

位之後數月徵還生歸帝鄉集作龍在郎署不踰年擢知

制誥未周歲正授舍人出泥登霄從骨生肉惟有一死擬

將報恩旋屬邊集作閭不寧朝廷多事當陛下盱食宵衣

之日是微臣輸肝寫膽之時雖進獻愚衷敢集作期有補

而退思事理多不合宜臣猶自知况在天鑒忝非土木若

集作履冰泉合當鼎鑊之誅尚忝藩條集作之寄才小官

重恩深責輕欲答生成未知死所惟當夙興夕惕焦思苦

心恭守詔條勤恤人隱集作下蘇凋瘵上副憂勤萬分之

恩集作莫酬一二仰天舉首望闕馳心葵藿之志徒傾蟻

蟻之誠難達無任感恩懇一作切之至謹奉表稱謝以聞

長慶二年

蘇州刺史謝上表敬宗

前人寶歷

臣居易言伏奉三月四日恩制授臣使持節蘇州諸軍事

守蘇州刺史臣以某月二十九日發東都今月五日到州

當日上訖時當明盛寵在藩條祗命荷恩以感以懼臣某

誠懼誠幸頓首頓首伏惟皇帝陛下嗣膺曆數重造寰區

將致昇平在先政化詢求牧守勤恤黎元實陛下慎選惟

良之秋責成共理之日也臣以微陋早忝班行首自中書

舍人出為杭州刺史苟集作幸免敗缺實無政能已蒙寵榮

舍人出為杭州刺史苟集作幸免敗缺實無政能已蒙寵榮

入改宮相今奉恩寄又分郡符獎飭具載於詔中慶幸實
生於望外况當今國用多出江南江南諸州蘇最爲大兵
數不少稅額至多土雖沃而尚勞人徒庶而未富宜擇循
良之吏委以撫綏豈臣瑣劣之才合當任使然旣成命敢
不誓心必擬夕惕夙興焦心苦節惟詔條是守惟人瘼是
求諭陛下憂勤之心布陛下慈和之澤則亭育之下疲人
自當感恩而歲時之間微臣或希報効塵黷皇鑒吐露赤
誠寵至空驚恩深未答無任慚惶懇激之至謹差軍事散
將某乙奉表陳謝以聞臣誠惶誠恐頓首頓首謹言

連州刺史謝上表

劉禹錫

此篇合入五百八十六卷今已移入始存其口

同州刺史謝上表

元稹

臣稹言伏奉今月三日制書授臣使持節同州諸軍事守
同州刺史兼本州防禦使臣罪重責輕憂惶失據慮爲臺
府逼逐不敢徘徊闕庭便自朝堂匍匐進發謹以今月六

集作

九日到州上訖

臣

稹辜負聖朝

唐書

辱累恩獎便合自

求死所豈謂

集作

尚忝官榮

臣

稹誠恐誠慙死罪死罪

八歲喪父家貧無業母兄乞丐以供資養衣不布體食不

充腸幼學之年不蒙師訓因感隣里兒稚有父兄爲開學

校涕咽發憤願知詩書慈母哀臣親爲教授年十有五得

明經出身由

集作

是苦心爲文夙夜強學年二十四登吏

部乙科受校書郎年二十八歲蒙制舉首選授左拾遺始

自為學至於升朝無朋友為臣吹噓無親黨為唐書臣援

庇莫非昔已實不因人獨立性成集作遂無交結任拾遺

且屢陳時政蒙先皇帝召對集作召問唐書延英旋為宰相

所憎貶唐書臣河南縣尉及為監察御史又不敢規避專

心糾繩復為宰相怒臣不庇親黨因以他事貶臣江陵判

司廢棄十年分死溝瀆元和十四年憲宗皇帝開釋有罪

始授臣膳部員外郎與臣同省署者多是臣初登朝時舉

人任卿相者半是臣同諫院時拾遺補闕愚臣既不能低

心曲就流輩亦以此望風怒臣不料陛下天聽過卑知臣

薄藝朱書授臣制誥延英詔臣賜緋宰相惡臣不出其門

由是百方集作侵毀陛下察臣無罪寵獎逾深召臣面授

舍人遣充承旨翰林學士金章紫服光飭陋軀人生之榮

臣亦至矣然臣益遭誹謗日夜憂危惟陛下聖鑒照唐書

臨彌加保任竟排群議擢授集作台司臣忝有肺肝豈並

尋常宰相况當行營退散之後牛元翼未出之間每聞陛

下軫念之言愚集作臣恨不身先士卒所以問于方計策

遣王友明等救解深州蓋欲上副聖情豈是別懷他意不

料奸人疑臣殺害裴度妄有告論塵黷聖聰媿羞天地臣

本待辨明示集作了便擬殺身謝責豈料聖慈尚加集作

薄貶同州雖違咫尺之類不遠郊畿之境伏料必是宸衷

獨斷乞臣此官若遣他人商量乍可與臣遠處方集作鎮

豈有集作遺臣俯近闕庭臣所恨今日三日尚蒙召對延

旨集作

英此時不解泣血仰辭天顏唐書便作乃至今日竄逐臣自離

京國自斷魂銷每至五更朝謁之時臣實制淚不得已臣

若餘生未死他時萬一歸還不敢更望得見天顏但得再

聞京城鐘鼓之音臣雖黃土覆面無恨九泉集作原臣某無

任自恨自悲集作慙攀戀聖慈之至然臣一日未死亦合有

所陳論或聞党項小有動搖臣今謹具手疏陳奏伏望恕

臣死罪特留聖覽今集作臣此表並臣手疏並望集作講留中

不出謹差知衙官試殿中監馬弘直奉表謝罪以聞

黃州刺史謝上表

杜牧

臣某言臣奉某月某日勅旨自某官授臣黃州刺史以某

月日到任上訖臣某誠惶誠恐頓首頓首臣自出身以來

任職使府雖有官業不親治唐人及登朝四任皆參臺閣

優游無事止奉朝謁今者蒙恩擢授刺史專斷刑罰施行

詔條政之善惡惟臣所繫素不更練無之愚昧集作一味愚自

到任憂惕不勝動作舉止惟恐罪悔伏以黃州在大江之

側集作北雲夢澤南古有夷風今盡華俗戶不滿二萬稅錢

纔三萬貫風俗謹朴法令明具又無水旱疾疫人業不耗

謹奉貢賦不為罪惡臣雖不行亦能守之然臣觀東漢漢

光武明帝稱為明主不信集作任德教專任刑名二主相繼

聯五十年當時以深刻刺舉號為稱職治唐古之風廢俗

吏之課高於此時循吏衛颯任延王景魯恭劉寬陳寵之

徒止一縣宰獨能不徇時俗自行教化惟德是務愛民如

徒止一縣宰獨能不徇時俗自行教化惟德是務愛民如

愛子廢鞭笞責削之文用忠恕撫字之道百里之內勃生
 古風九遠衆背時徇古非今王者公侯尚難其事豈一縣
 宰能移其俗此蓋人為治古之人法為一時之法以治古
 之教教之即治古之人以一時之法齊之即一時之人國
 家自有天下以來二百三十餘年間專用仁恕每後刑罰
 是以內難外難作者相繼土地甲兵權柄號令盡非我有
 終能擒之此實恩澤慈愛入人骨髓俗厚風古不可動搖
 今自陛下即位以來重罪不殺小過不問普天之下蠻貊
 之邦有罹艱凶一皆有血聖明睿哲與大慈恕遠僻隱阨
 無不歡戴受十四聖之生吞張二百四十年之基守臣於
 此際為吏長人敢不遵行國風彰揚至化小大之獄必以
 情恕孤獨鰥寡必躬問撫庶使一州之人知上有仁聖天
 子所遣刺史不為虛受蒸其和氣感其歡心庶為瑞為祥
 為詩為詠以裨盛業流乎無窮在臣心之則然豈材術之
 能及無任感激悃懇血誠之至

校正五十字

十月初二日汪村子記

文苑英華卷第五百八十七

文苑英華卷第五百八十八

表三十六

公卿雜謝

公卿雜謝表三卷英華
編失年代先後今正之

謝尚方監表一首



為武奉御謝官表一首

謝尚方監表一首

謝加授通義大夫表一首

為崔日知謝洛州長史表一首

代侯仲庄謝封表一首

謝兄除補闕表一首

為王仲昇謝加兵馬使表一首

謝除考功郎中知制誥表一首

謝賜緋表一首

謝加銀青光祿大夫表一首

代路冀公謝旌節等表一首

謝錄銀青光祿大夫河內郡開國公第二表一首

謝加正議大夫表一首

謝舒州刺史無加朝散大夫表一首

謝加司封郎中賜紫表一首

代閩中丞謝銀青光祿大夫表一首

為李希烈謝留後表一首

為武奉御謝官表一首武后

陳子昂

臣某言伏奉某月日詔書以臣為尚食奉御肅恭休命祗拜

寵章榮慶既崇慙荷交集臣某中謝臣才虧琢玉學昧流

金徒以席一作藉寵葭莩容光日月叨承雲渥既曠天工而

榮更恩覃集作昇位非德舉無階而進坐致於青霄有慶方

來載光於朱紱臣聞瑤庭任切猶稱六尚之榮王食禮尊

實總八珍之貴臣術慙綠鶴業匪豢龍將何致美瓊芳式

和金鼎鴻私曲被殊寵降臨天命既不可造聖恩允宜祗

戴循涯揣分實所非宜集作畧

謝尚方監表武后

鄭國忠垂拱元年

臣某言伏奉制書以臣為尚方監忽承鴻霈遽辱崇章澤

甚涌泉懼深沾谷臣材乖遠大識謝一作味淹通曾微汗馬

之勞非有成麟之業欣逢睿曆謬踐清階自邇陟遐從幽

至顯題輿外郡多慙展驥之能縮墨中京久之栖鸞之譽

集作

化作

文苑英華

周勃

雖常茲自勗而寬猛猶昧空慙尸素罕聞政績幸以聖德
動天而祥山發地踴奇峯而繁日披秀嶠以干雲慶惟造
化之靈以告休明之慶帝之力也臣何預焉乾獎曲臨聖
恩橫被俄輟一同之務坐遷二府之班秩亞括河榮無稅
澤疑顧茲踈諛何以克堪伏願七景停輝五潢收潤矜容
薄淺更採英髦則上不汨於朝晏下無招於官謗無任控
款之至

代侯中庄謝封表肅

邵說

臣言某伏奉某月日制授臣太子詹事無封上谷郡王祇
奉榮命以慙以惕臣聞論德而建封者聖王之事量功而
受賞者忠臣之義也封或謬建則王綱斯紊賞或虛受則

臣體以乖聞之古先敢忘之疑誠伏惟皇帝陛下大聖繼

統神武經邦道邁慕堯功高復禹墳幽燕肆逆汾澮阻兵
朝義叛換於前懷恩旅拒於後陛下宸謨獨斷睿畧潛行
曾未三年克平二豎此蓋皇躬保祐宗社降靈豈臣愚蒙
敢叨封爵假使進能排難退克全軍為臣之節固當若是
以茲千賞實為包羞昔漢祖仗杖義而西滅秦項韓彭諸將
異姓同封然而德薄位崇卒見傾覆以臣智畧敢方先賢
苟或受之其能自保力微任重禍過災生俛仰增憂心魂
若勵乞停嚴令俯遂私情儻聖澤旁流天光曲照俾從散
秩得齒周行臣之至願死將不朽無任懇迫之至

謝兄除補闕表肅

肅

接前

五百九十一卷謝親屬加官門有此題而闕其表今已移入姑存其目

為王仲昇謝加兵馬使表代宗

臣某言伏奉今月日制書授臣元帥左廂兵馬使兼知滑

州兵馬使恭承寵命祗懼兼深臣某中謝臣聞至理之代

為官擇人故能謨謀有成授受惟允若才不稱職任非其

能冒進求榮必貽禍敗伏惟寶應元聖文武皇帝陛下道

齊濬哲德邁徇齊惟新景命再造區宇微臣薄劣早荷恩

私慙無樽俎之謀一作謨累忝腹心之寄擁旄仗鉞自北徂

南來剪兇渠已嗟挫惡守節雖同於蘇武喪師有類於孟

明議以刑章分從虿粉陛下察其本志念臣微忠特全要

領再加驅策位兼風憲職典禁兵撫已循涯實為塵忝每

思陳力之誠竊懼妨賢之責不謂更沐殊恩猥當重任佐

皇太子元戎之律統王畿禦侮之權內省凡庸必多敗事

乞停新命別授時英則朝章式序軍政無關無任云

謝加授通議大夫表武后 李嶠

臣嶠言伏奉恩制加臣通議大夫守成均祭酒兼檢校文

昌左丞餘如故榮過望表慶溢身涯荷寵祗恩蹈冰臨谷

臣嶠中謝臣鸞雀之羽多謝於飛翻蜉蝣之衣久慙於忝

竊屬秦人望幸虞帝卜征萬騎時巡不陪遊於渭北四關

留鎮獨延欵於周南劬勞異羈勒之臣寵渥均廟堂之士

燕溪弱黍分隔於陽和楚塞輕茅遂承於雨露仰平分而

此下接常哀除考功表

此字偏在謝尚方表後

載躍撫留滯而成歡惠重丘山徒深於抃舞身輕糞壤豈
議於答酬無任喜載慙惶之至謹附某官奉表陳謝以聞

為崔日知謝洛州長史唐書作司馬表唐書作司馬

崔沔景雲中

臣某言伏奉某月日制書除臣洛州長史勲封如故伏荷
殊私祇承重任屏營夕惕無以自寧臣其中謝臣實凡材
素無遠量書生間道未探經術之精俗吏隨班僅見章程
之末官資命達榮與時來謬齒周行誤升官秩挈瓶之智
守職何功盈缶之誠蹈常斯在冀免罪戾以紓微生仍賜
寵章胡寧始望服忝三命階踰九列子孫蒙澤宗黨被恩
榮遇既深殞越何答豈雨露之潤沐浴無涯而日月之明

一作宣

昭晰不已更承中旨作尹下都玉城嚴門洛師殷雜寔四
海之朝市據三河之樞要鎮俗移風方資舊德剗繁理劇
必藉良能臣亦何人濫膺斯授如觀渤澥未測淺深若負
蓬萊無任施重云

謝除考功郎中知制誥表代宗

常袞寶應二年

臣袞言伏奉去年十二月二十六日恩制授臣考功郎中
餘如故詔書降辱類表作猥特榮新命祇荷殊造若無所

容臣袞誠惶誠恐稽首頓首臣本諸生素虧令望憑藉儒

業遭逢聖時類表幸從彛序累踐清秩得以文墨侍於軒

墀五字非工四年侍罪禁垣之右朝奉如綸宸宸之前夜

參視草以地尤密惟才必精在臣無堪忝跡斯甚食浮之

議所責何逃類表作於陛下弘獎文儒優容侍從恕其職

事之闕錄以歲時之深爰錫朝章俾遷即位典掌如舊寵

榮有加翱翔雲霄沐浴雨露俯伏拜賜心靈若飛效薄恩

崇罔知攸措何以上報期於死節無任感戴屏營之至

謝賜緋表代宗

常袞

臣袞言今日內給事潘副宗奉宣勅旨賜臣緋衣一副并

魚袋玉帶牙笏等寵自天來恩加望外顧已何幸循涯若

驚臣袞中謝臣學愧聚螢才非倚馬典墳未博謬陳良史

之官詞翰不工叨辱待臣之列唯知待罪敢望殊私銀章

雪明朱紱霞映魚頰在手虹玉橫腰祗奉寵榮頓忘兢惕

蟬蛸之羽恐刺國風螻蟻之誠難酬天造捧戴無力兢惶

在心無任感荷屏營之至謹奉表謝以聞

謝加銀青光祿大夫表代宗

常元甫大曆中

臣基言伏奉去年月日制特加銀青光祿大夫跪奉詔書

震驚心腑恩深益懼喜極成悲臣某中謝臣肄業儒門出

身聖代始服勤於州縣遂竊位於臺省每自兢惕常憂滿

盈一從效官三十餘載不敢受鍾釜之祿不敢叙節級之

階中朝舊人或所知悉非唯懼速訕一作諉實亦有畏神

明屬頃歲姦宄亂常中原多故聖皇委臣以武關方城之

任賜以章服監護七軍先帝委臣以荆南江西之寄特加

朝散兼察兩道今陛下又錄臣駑駘薄効超授銀青三朝

荷榮百生何報仰天跼地自省無能撫本循涯罔知攸措

荷榮百生何報仰天跼地自省無能撫本循涯罔知攸措

便當門施祭戟綬縮銀黃車服有加子孫蒙福禽鳥飛動
不如天地之功草木芬華空滋雨露之澤誓將輕命上答
生成冀効消埃以裨萬一

代路冀公謝旌節等表

王緯 大曆八年

臣嗣恭言月日中使至伏奉勅書并賜 臣冬衣一副李獻

誠至奉宣聖旨重賜 臣勅書一通并領南旌節及告身殊

恩薦至列郡光生旌旄自天介冑增氣榮加慶外感在懼

中 臣其中謝 臣幸承明命出鎮楚郊忽奉除書無終閩徼

捧彩牒而親承睿旨受命服而遠荷聖慈仰戴俯慙以歡

為懼况臣名膺上將識昧中權豹韜無聞龍節見授但欲

仗於百越震闔外之雷霆亦示 未詳三軍壯轅門之鼙鼓

光生澤國榮觀江城所恨荒服猶虞且有後命長安更遠

未賜前期望丹闕而心魂共驚負鴻恩而灰粉何答不勝

感激荷載之至

謝銀青光祿大夫河內郡開國公第二表 代宗

臣某言內侍喬獻德至奉示答 臣所讓新受階封德音宜

即斷來表者 臣自沐恩私不遑寢息所以上冒宸衷頓首

拜章瀝懇於宴賜之辰披誠於對敷之次累煩睿覽下執

愚衷竊以榮級清階本因馭貴分茅錫土必在報功冀達

舊章非勤飾讓天書再及嚴旨不移受詔兢惶撫躬震越

伏自思念戰汗交馳恐負聖睿之慈當 類表審微臣之分

空四格

文苑英華

卷

何者謬升非次既參二府之榮縱避今恩不減四方之責
唯當勉申驚蹇恭守紀綱苟塵露之可裨雖灰壤而無恨
重承嚴命不敢固辭此生甚微厚施何答無任惶懼感荷
類表作之至謹奉表陳謝以聞臣某誠惶誠恐稽首頓
首謹言

謝加正議大夫表

蘇冕

臣某言伏奉今日制書以臣職理粗進加正議大夫朝
命遠臨天慈曲被感戴殊造震驚失圖臣某中謝臣自出
書生謬分旌鉞拙直無援孤真少徒雖封域又安參憑理
化而消塵靡効實懼素餐屬瘴癘為災私門多釁媿無烈
士之死志而有犬馬之貪生輒狀表章陳乞骸骨遇陛下
寬一戮之責起將廢之魂因請退之誠增進秩之典爰光
獨照枯朽頓榮况堯舜在上蒸人自理日月既出燭火何
光加以無左右之容無龔黃之政猥蒙天地之德載於金
玉之音是則陛下切思理之心以風海內而臣受分憂之
寄謬竊寵榮成命已行不敢固讓受恩益厚期於殺身無
任感戴屏營之至

謝舒州刺史無加朝散大夫表

代

獨孤及

臣及言臣伏奉七月十八日勅加臣朝散大夫使持節舒
州諸軍事守舒州刺史充當州團練守捉使無知淮南岸
當界緣江賊盜臣典濠州無政可紀人幸不擾時和所致
流者稍復年登之力臣敢貪此以為已能陛下過聽驟降

殊私集作既增之秩又命以服無德受賞集作幸孰甚焉

仰戴皇渥類表且榮且懼今以九月二十七日到州上訖

州經積年寇盜瘡痍之後百姓流浪集作十不一存臣已

奉宣聖慈與之休息勞來鰥寡寬集作其徭賦以是集作

招携亡者撫柔存者庶經秋之後或致集作安集非日能

爾冀竭力焉臣無任感戴之至謹奉表陳謝以聞

謝加司封郎中賜紫表代宗前人

臣及言臣伏奉三月一日勅加臣檢校司封郎中使持節

舒州諸軍事兼舒州刺史當州團縛守捉使仍知淮南岸

當界沿江賊盜賜紫金魚袋殊榮厚溥驟鍾臣身且喜且

驚集作以愧以懼臣聞堯舜建官三考黜陟漢代二千石

以循良稱者於是有璽書勞勉增秩賜金之制臣到官始

半歲職事未有所補見在戶口纔肯地著其中鰥寡疲弱

不能自存者十猶六七徵遣征賦未嘗及期此臣政不逮

力不任之効獲宥罪戾幸固深矣豈謂皇恩驟降復以古

典命臣加位授服寵過臣量伏讀詔書懼孰大焉此州古

荆舒之地詩人懲其剽輕復當賊寇虔劉比屋流亡之後

其人心已難安易動况加徭役稅歛日不獲已緩之則驕

急之則散輯柔底綏之道尤非愚臣所及伏當宣風集作

風夜勉勵力安斯人省事以慰其愁示信以杜其爭亦冀俗

稍務本人漸足食使貢賦之入歲增月長三歲大比以版

圖歸於有司犬馬之心敢有貳事臣無任感戴之至

代閩中丞謝銀青光祿大夫表 羊士諤

臣某言今日吏部符下奉恩制加臣銀青光祿大夫朝命遠臨殊私曲被喜躍無措感懼惟深臣某中謝臣謬忝方隅實淹歲序幸逢昌運得備職官昨者累狀封章輒有陳乞敢希獎進虛荷恩榮而陛下不思天功為臣已力詔曰二千石便安吾人理有異等則就行賞典不繫年序夫人神休泰自感陶鈞封域又安是恭理化雖云六稔無裨三載之文况當退思乃叨進秩之典濫憑微績陟在綸言超踐清階猥登明勸榮深載造光被生華匪臣辱愚所宜忝竊唯奉宣時令敬導農祥保率土之康寧贊遠黎之生植而丘山施重螻蟻効輕上報無階稽首知懼無任感戴屏營之至

為李希烈謝留後表代宗

韓翃大曆十四年

臣某言中使梁某至伏奉今日日制書授臣使持節蔡州刺史兼御史中丞充淮西節度觀察度支營田等使留後特達睿恩殊常寵寄權兼專席榮重褰帷稠疊聖慈心魂戰越臣其中謝臣少小孤遺又無藝術叔父忠臣勵以成人自厲艱難親承任使備牙門之將總帳下之兵耳目腹心臣當職分毫釐絲髮臣合知委而依阿從事曖昧居心群小用權臣不能規諫三軍潛怨臣不能警覺蒼黃之際遂成禍階十起之恩低徊未報一朝之難逼迫見留白刃交前脫身無路謝安內舉竊効驅馳疏廣告歸獨乖隨從

在臣情地何以自容雖早歿仇讐纔雪家怨而自慙面目
有負國恩豈謂降以殊私副茲重鎮上承朱邸之令下奉
玉帳之謨權副九州地方千里在臣微眇難繼威聲豈臣
竊賣舊勳謬膺殊澤撫心泣血何地自容特望聖恩察臣
微懇選朝廷舊德副節度重權許臣歸骨關西死且不朽

校正八十五字

十月初三日

文苑英華卷第五百八十八

文苑英華卷第五百八十九

表三十七

公卿雜謝二

爲河東副元帥馬司徒謝實封表一首

爲桂府王中丞謝加朝議大夫表一首

爲太原鄭尚書謝賜旌節等表一首

爲太原李少尹謝上表一首

謝兵馬使朱鄭等官表一首

爲昭義王大夫謝賜改名表一首

謝賜光宅坊宅表一首

謝授右拾遺表一首

代李僕射謝加營田使表一首

謝太常卿并舉自代表一首

謝再除太常卿克禮儀使表一首

東都留守謝上表一首

謝除太常卿表一首

代李中丞謝官表一首

謝貸錢物表一首

蘇州謝恩賜加章服表一首

為河東副元帥馬司徒謝實封表

德宗

崔元翰 貞元元年

臣燧言某月日中使某乙至伏奉手詔復以收河中功賜

臣實封五百戶通前為七百戶功微賞重恩積生輕報効

何階祗懼惟甚臣某誠惶誠恐稽首頓首臣頃奉詔與諸

道同討逆賊上稟謨類表作謀筭克致誅夷越升類表作起授官榮

真食戶邑且有後命再荷殊私伏以聖德結於人心皇威

加於物表將帥克宣其力凶逆盡一作伏其辜此皆國之

福也至若分闡作藩秉旄仗節扞禦患難剪掃冠寇此固

臣之職也幸無獲戾何以為功爵秩既崇封賞又重絲髮

未効消塵莫施雖復捐軀豈能上答無任荷懼之至

為桂府王中丞謝加朝議大夫表令狐楚

臣某言伏奉某月日恩旨南郊禮畢進加臣朝議大夫拜

受嚴命感惕交集臣某中謝臣泗濱諸生塞上從事被蒙

恩澤齒列才俊戴高履厚實有慙焉乃建子月伏惟皇帝

陛下殷薦祖宗嚴禋天地而限從外役不侍中禁有望雲
就日之戀無給薪除地之勞今者爵賞遠加寵榮俯及拾
級以上早忝諸侯之秩歷階而昇又厠大夫之品峨峨象
笏粲粲銀章自揆何人敢安非據伏以神光類表既擁王
澤已流難申牢讓之心空秉益恭之禮無任慶幸屏營之
至

為太原鄭尚書謝賜旌節等表 前人

臣某言今月七日中使并借至伏奉勅書手詔慰喻一作

臣及將仕士參佐等并賜臣官告旌節寵命併臨榮光疊至

欽承捧受感慟難勝臣某中謝一作臣昔為諸一作生所冀微

祿揣摩鉛鈍際會清平伏惟皇帝陛下至德配天大一作

明並日朝有多士國無幸人若臣庸虛何足比數階緣所

職被服殊私居即吏之中已為饜竊立戎旃之下安所堪

任前奉詔書除臣節度託肺腸而三省覺魂魄之九飛懇

款未申恩光荐至一作使從天下拜迎而萬姓一作懽呼

王在日中照臨而一方安泰編綸言於寶軸揮宸翰於綵

牋既賜諸侯之旌又降將軍之節委之刑賞許以便宜臣

實何人忽蒙斯寵重如山壓薰若火炎無以為容不知自

處謹以今日準勅拜受臣伏以旌唯進善節以詰姦昔

常傳聞今即一作祗受度才非將雖天地一作所知稟令

於君豈風塵敢犯哲當保安四境和叶三軍灑帝一作澤

於州閭振皇威於邊境一作難酬天造度竭臣心所守有

於州閭振皇威於邊境一作難酬天造度竭臣心所守有

限不獲陳謝無任感戴抃躍之至 一作皆唐類表

為太原李少尹謝上表

前人

臣某言伏奉恩旨授臣太原少尹兼御史中丞充河東節度使行軍司馬祗承榮命以感以懼臣某中謝臣器質凡下行能無取父母生之陛下知之頃陷官謗會從吏議伏賴陛下聖明乃得全活既而有隨多士掌領孤兒警夜巡晝庶將終老跼天踏地誓不違遠豈意陛下不量臣之能否拔自近侍貳於大藩且御史丞執憲之任府少尹理民之官也軍司馬握兵之職也皆須率其屬以贊其長必國之良猶懼不稱况於疲病安所堪任此臣所以行思坐念常恐失墜以某月日到府上訖伏以太原建國與王大都院囑囑五氏合杏萬室動見指視甚難為理唯稟謨猷於廊廟同心力於幕府勤以臨事清而處身至若上分乃眷之憂下塞具瞻之望雖欲自勵終非所能離去殿階已彌旬月攀望不及腸迴目斷無任云

理民 唐諱

謝兵馬使朱鄭等官表

初除御史續除中丞封異姓王

德宗 劉禹錫

臣某言奏事韋溫迴特蒙聖恩重賜朱鄭等官告宸象昭回煥然下燭榮分右職光賁遐藩臣某中謝臣伏以朱鄭朴忠為心沉毅見色當建封禦侮之寄見張愔建封子也提孩之年昨者隸職徐州分鎮斬縣繹英華作驛非騷之際梗亮彌彰歷險而前寔繁其旅詳探本末有足褒稱輒具奏聞恐

須獎勸伏蒙睿鑒俯亮微誠優詔先行已階直指之日殊
私荐至超昇獨坐之崇戶嶺三千爵踰五等恩生非次感
異常倫轅門有光武旅增氣遂使感激之士希男爵以捐
軀得狂之徒聆聖澤而悛性風行草偃其勢必然臣忝摠
戎倍百欣荷臣無任云

為昭義王大夫謝賜改名表 崔行先

臣某言中使第五守進至伏奉今日制命授臣開府儀
同三司潞州大都督府司馬知府事充昭義軍節度營田
澤潞刑洺等州觀察留後兼賜名處休雨露湛恩光臨非
次蝼蟻眇質負戴難勝臣某中謝臣出一有自行問器識
粗淺理兵從衆問陣無師一心守愚六藝皆闕自謂才無

經濟智乏周防吐誠託人損已待物每日揣分有時撫膺
徒生於此何以報主得免獲戾已足為榮敢求聞達妄進
階級豈意陛下顯元合德日月在躬夏開獨見之明特降
發哀之詔拔自泥滓致于煙霄臣之榮幸孰與為比伏以
處休之義恭諮有章簡自帝心納于臣口自一作訟增感
以榮為憂魄散心殞罔知所措况名器所慎春秋格言服
之不稱詩人是刺雖欲勿議誰能捨諸曩日劉玄佐之領
浚郊李元諒之居關輔皆勳崇台揆業濟艱難方開加等
之恩始受錫名之寵臣何為者坐繼前人三省駑鉛未展
涓埃之効百身灰粉何酬天地之恩

謝賜光宅坊宅表 德宗 李揆

臣某言中使某至奉宣聖旨知臣無宅以光宅坊去內最近賜臣宅一區寵渥特臨喜懼交集臣某中謝臣自惟固陋謬忝恩私陛下收其瓌材擢以密職司言北闕已揮翰於紫垣秩禮南宮復彰纓於丹地故得迴翔三省出入九重此皆稟自宸衷不因人譽毛髮之內曾未報於生成雨露之恩猥有加於疵賤頃以寓居失火事忽聞天慈親垂恤問環堵之業雖有虧於魯經賜宅之人疑作仁遂承榮於漢詔况王人啓戶大厦當衢顧蝼蟻而知慙迎鸞雀而相賀古制宮闕近地公卿不居唯信匱密戚特聞詔賜所謂北闕甲第者蓋由遠近差之今宅在廟圖地近冊禁朝天不遠於咫尺捧日如奮於雲霄仰惟明主之恩實

私微臣之幸銜恩撫已尤懷戰跼誓當竭忠盡節鏤骨銘肌豈捉足而獲安誓損驅以為報無任

謝授右

集作左下同

拾遺表

德宗

呂溫

貞元十九年

臣某言伏奉制命擢

集作臣

右拾遺又中使毛進朝至宅

奉宣進旨

集作此

賜臣本官官告

集作告身

者澤濡窮鱗雷起幽

蟄塵忝近侍冠軼常倫震驚失圖兢跼罔據臣某中謝臣嘗學舊史承訓先臣皆以奉上自致為榮附下苟進為耻

臣所以既孤之後義不因依

集作依人

賣洛中之

集無此字

薄田歸

闕下之

集無此字

舊宅退藏其跡私誓于心不邀利於權門不

求名於衆口星霜昔節夙夜精誠唯願投軀盛時自結明主愚誠神感人欲天從果蒙陛下自記姓名猥憐孤直振

零丁於絕望拔曖昧於無階獨斷皇明起集作清列俯

降中貴內賜官告特違恒例光寵賤臣俾其不出戶庭坐

生羽翼萬乘知已一鳴驚人公朝得盡節之方私室無謝

恩之處顧惟凡陋集作叨此殊尤纏激血誠銘鏤膚骨採

拔恩重泥塗感深畢性命以為期裂肝膽而何述唯當竭

誠陳力効節明忠使丹心有集作白首無玷集作然後敢望

披雲捧日一識天顏則闔門之灰粉知歸百生之志願斯

畢臣家雖在城多適田野久廢簞笏皆須營備不獲當時

隨例拜謝闕庭

代李僕射謝加營田使表

崔位

臣某言伏奉某月日勅以臣兼充當道營田使者捧受

綸載驚載躍臣某中謝幸忝宗室沐浴恩波性惟直方官

絕依倚凡忝任用皆自宸衷常思殺身以答鴻造所至之

職勵精苦節苟可利人利國誠願悉心况西戎狡謀有備

無患東都要害居安慮危俱屯偃革之師豈可不耕而食

臣是以諭臨邊將士首建屯田董所屬軍人力闢荒壤近

為水旱之蓄遠減飛輓之勞臣之用心素切於此又背一作

軍營衣賜久費度支百方圓融三分全給在臣守土固合

分憂此皆塵露至微豈於山海云益陛下曲垂天將正以

使名榮光荐加荷懼惟厲但當撫字鰥寡訓練貔貅克宣

皇風底靖藩鎮庶申萬一少報生成臣所守有限不獲奔

赴關庭拜舞丹墀無任感恩殞越之至

赴關庭拜舞丹墀無任感恩殞越之至

謝太常卿并舉官自代表 德宗 高郢

臣郢言伏奉今月二十七一作二日勅除臣太常卿曲降殊

私猥被凡器非才荷寵聞命自驚臣聞太常者舜臣秩宗

之任周室春官之職其所典者禮樂所奉者郊祠故班冠

類表作班官九棘選重歷代臣學識凡近遭逢聖明管庫無遺

久塵貢士之列疲駑不逮嘗獻避賢之疏特蒙天鑒俯及

容光煦嫗之仁允前請而既幸綢繆之寵沐今授而增忝

將何以欽承睿獎備舉官司顧慙匪服之嗤上累能官之

謗類表作味恩深命淺報効無階伏準建中元年正月五日制

常參官授訖上表讓一人自代者臣竊見銀青光祿大夫

守太子賓客上柱國鄭縣開國公杜黃裳識度深遠志業

忠厚達於大體練於故實群而不黨和而不流與臣同在

周行臣頗知其優裕伏請準制舉以自代臣郢無任感戴

欣惕之至

謝并除太常卿克禮儀使表 憲宗 前人

臣郢言伏奉今月二十一日恩命除臣太常卿克禮儀使

者累歲守藩每馳心於魏闕一朝聞命得備位於周行上

慙叨一作塵忝之深下慰違離之恩臣某中謝臣聞秩宗之

任典司三禮奉常之選班列九卿前古以來用人為重非

有均平實不宜謬居臣昔叨此官已積負乘之懼今復再歷

俗增濡翼之憂况專職禮儀別蒙委遇明時大禮方奉郊

禋末學謏聞何徵損益飲冰斯切俟駕靡一作遑螻蟻之

微無階報國犬馬之恋但一作喜歸朝臣不勝感戴欣懼之至一作皆唐類表

東都留守謝上表

憲宗

權德輿

臣某言伏奉今月三日制命授臣檢校吏部尚書兼御史大夫充東都留守判東都尚書省事以今月二十四日到東都上訖榮渥特加寵光備至俯仰印綬慙懼交懷臣某中謝臣才不出衆祿期代耕因緣文字進越名級自聖明臨御特沐鴻私歷五曹之貳居九卿之長遂叨大任忽涉四年智慮孱愚言辭朴訥徒淹歲月莫展涓埃雖竭匪躬之誠竟乖陳力之効自免樞務猶忝春官纔經半歲復授今任前後所歷皆不因人無非庸獎以至崇大况留集作

守所寄東夏式瞻在君陳畢公之選兼天官憲府之重面辭之日親奉聖慕式遏匪人整訓戎事用制竊發必資兼材豈臣儒薄所宜負荷今兵力至微武備不足此皆天鑒所察臣不敢累黷聰明杜其姦情亦在早計必冀磨礪鉛鈍罄竭肝心忠以事君死而後已遠離宸睭感恋闕庭以陛下注意之恩誓微臣捐軀之節無任荷戴屏營之至謹差押衙試殿中鑿成黨奉表以聞臣某誠惶誠恐頓首頓首謹言元和八年七月二十四日

謝除太常卿表

憲宗

前人元和十年

臣某言伏奉十月二十四日詔命除臣太常卿統和神人典司禮樂臣實庸菲謬叨寵榮臣某誠惶誠恐頓首頓首

臣以書生凡輩懦薄無堪生遇昌期累膺爵秩四掌誥命
五居列曹遂叨禮卿乃佩相印竟無微效上答皇明自罷
宰司再履宗伯旋忝保釐之任屬當憂寄之時准甸多虞
周郊接攘上勞聖慮下輯戎師臣不敢愛身不敢避事頗
抗手疏俸陳物宜猶集作披肺肝莫識忌諱自承詔旨許
募新軍實使懦夫增氣輒恩仁者有勇繕脩器甲招集驍
雄每竭一心敢有二事陛下憂臣不逮全度特深出於殊
私遽降新命沐浴皇澤從容大僚量力無庸庇身何幸况
太常者伯夷叔孫通之職臣豈其人五六年間再居此地
感恩知懼循分難任即以今日三日進發瞻望闕庭踴躍
欣抃謹奉表陳謝以聞無任感戴喜懼之至臣其誠惶誠
恐頓首頓首謹言

代李中丞謝官表

元稹

臣某言伏奉今日二十九日勅集作授臣御史中丞寵秩

逾涯心魂戰越臣某中謝臣生值聖時蔭分天屬雖牽絲

入仕或因瑣碎之文而執簡當朝實由睦族而致頃以材

駑氣直屢棄遐荒陛下擢自藩方集作任兼臺閣夙夜循

省報効無階豈謂天眷曲臨過蒙獎擢集作坐令專席位

忝中司因期集作陳乞於天安敢叨榮於已如或綸言既

降冊慊莫從則當破柱求奸碎首請事死而後已義不苟

然增日月之末光答天地之殊造無任懇款屏營之至

謝貸錢物表

劉禹錫

臣某言中使南宮懷珍至奉宣聖旨存問兼賜臣墨詔天
光下濟睿澤曲流銜恩未酬居寵彌懼臣某中謝臣受任
斯極微功莫施昨以封畧未寧干戈猶動壽春固壘以備
盜淮甸興師以扞姦經費所資數盈鉅萬餽餉時久俱億
力殫慮始圖終不敢緘默輒陳管見上黷宸聰伏蒙聖慈
特遂誠精遠承如綍之旨特假聚人之財軍瀆不憊士氣
彌振糗糧既備末無半菽之虞襦袴足頒遠起挾纊之感
是為悅使咸願先登臣忝總戎倍百欣荷伏以上分國用
俯濟軍興候清烟塵謹備償納

蘇州謝恩賜加章服表文宗

前人

臣某言伏奉去年十一月二十七日詔書加臣賜紫金魚

袋餘如故者恩隆重霄榮霑陋質既集作黷陟明之典恐

與彼已之詩寵過若驚喜深生懼臣某中謝臣起自書生

業文入仕德宗朝為御史以孤直在臺順宗朝為郎官以

緣累出省憲宗皇帝後知其冤枉特降勅書追赴京國緣

有虛稱恐居清班務進者爭先上封者潛毀巧言易信孤

憤難申俄復一麾外轉三郡伏遇陛下應期御宇大振滯

淹哀臣宿舊猥見收拾職兼書殿官忝儀曹微績集作勞

未宣薄命多故又離省署重領郡符延英面辭親承教誨

銜命即路星言載馳到任之初便逢灾疫奉宣聖澤恭守

詔條上稟睿謨下求人瘼才術雖短憂勞則深幸免流離

漸臻完復皆承聖化所及遂使人心獲安豈由微臣薄劣

能致臣素乏親黨家本孤貧年衰無酒色之娛性拙無博
奕之藝自理集作大郡又逢時灾晝夜苦心寢食忘味曾
經集作誣領毀每事防虞唯托神明更無媒援豈期片善上
達宸聰廻日月之重光燭江湘之下國絲綸褒異苦節旣
彰印綬煇煌老容如少望雲天而拜舞豈盡冊誠視環玦
以徘徊空嗟白首無任感激屏營之至

校正五十九字

十月初三日

文苑英華卷第五百八十九

文苑英華卷第五百九十九

表三十八

公卿雜謝表三

為李尚書謝恩表一首 代群官謝恩表一首

為將軍程處弼謝放流表一首

謝觀唐昌公主花燭表一首

謝追赴大禮表一首 謝入朝表一首

謝書上考表一首 為李大夫謝恩表一首

為張監謝天長節答賜表一首

為崔鄴公謝勅追赴京表一首

謝恩寫真表一首 為崔鄴僕射謝恩賜表一首

謝恩表二首 為百官謝放朝表一首

爲京兆尹捉賊不獲謝恩表一首

爲京兆常尹謝許折糴表一首

謝差中使送上表一首

謝獎諭表一首

謝追赴闕庭表一首

代李侍郎謝用內庫錢充軍資表一首

爲李尚書謝恩表

王行先

臣某言監軍副使廻伏奉勅書手詔宣慰臣及將士黎庶等并賜幕府太將已下改官告身二百八十七通神澤鴻私發揚寓縣榮光喜氣充溢轅門臣某中謝伏惟皇帝陛下配天立極撫運承一作時酌萬姓而爲心法行

信汗馬之勞必錄鳴鷄之用不遺實均雨露之澤曲播乾坤之造頃以戎臣殞喪軍國憂惶將校叶心佐寮奉職皆能獎忠守義俟命於天致使州縣底寧風塵不驚此乃臣子常分國家舊規守而勿失幸免獲戾豈意聖謨廣運睿渥旁流特令甄叙寵授官命勗以忠貞之効優其爵秩之榮光啓朝端昭宣海內凡是含職孰不知恩其來希皓等二百餘人無不感極成悲銘心殞涕不勝荷戴之至

代羣官謝恩表

李嶠

臣嶠言臣植性愚陋稟質庸疎過蒙恩私特垂獎飾擢自泥滓之下昇之雲霄之上叅預機密接奉軒墀寵光百僚榮被九族殞身未能以答施灰骨不足以明恩屬日月齊

明乾坤交泰弓旌出谷俊又盈朝非親非賢無藝無識猥
將齊竽入吹謬以鄭璞爲珍昔綜銓衡有慙簡要署置過
當涇渭莫分致令外削氓黎內傾府藏煩擾之弊旣傷於
國體謗訕之咎允集於臣躬是用仰慙公朝下積私懼顧
循支離犬馬之疾恐玷棫樸鶴鸞之羣不敢仍勞準繩實
願自其屏黜言布心腹輒以陳祈而愚慮不周僣違自速
有命適降營嵬載飛豈徒絕望丘園故有甘心鼎鑊忽蒙
聖恩懸察慈旨曲矜爰集簪纓諭以絲綬許臣以無僣衡
鏡惟臣以輒謝鹽梅察臣誠款之言一作心知其憂國覽臣
狂愚之奏謂合事宜謹讓之中恩多而責少含容之內善
詳而過畧本將因愆而獲戾翻乃以誚而蒙榮惟大造

成旣蒙再生之惠小人多幸方輸九死之答無任欣喜踊
躍之至謹請明福門奉表陳謝以聞臣嶠誠歡誠喜頓首
頓首死罪死罪

爲將軍程處弼謝放流表

見六百十八卷

陳子昂

謝觀唐昌公主花燭表

玄宗

張說

臣說言內侍尹鳳祥宣勅賜臣觀唐昌公主花燭伏以天
人下嫁王宰送行苟非榮集作殊寵何階瞻望臣免歸餘叟
忽承朝請之恩廢駕羸集作疲驂復覩肅雍之禮鴻私所被
枯瘠生光無任歡荷之至謹奉表陳謝以聞

謝追赴大禮表

玄宗

王峻

開元十一年

臣峻言直省王容至伏奉恩勅朔方無事且赴大禮者臣

肅承寵命喜躍交并臣某中謝臣實不才累承恩獎入參
喉舌叨居國相之榮出惣旌麾謬忝元戎之寄常願俯陳
螢燭寧有益於曦舒思竭消塵何以裨於海岳每憂折鼎
負乘碎首糜軀何階答施伏以禋宗大享禮備郊天特垂
綸綍之私聽同玉帛之會馳心輦蹕不遑俟駕跼影塞垣
迫於遵守以慶以懼戰汗兼深今長河始冰太漠初雪邊
亭有賊今正其時事不可期兵難預度儻驚塵忽起禍出
不虞臣進不之京退不及事微軀塞責無益於軍誠願陪
扈屬車仰望雲漢顧惟軍旅之重正當預備之辰不敢釋
此嚴防馳赴恩命惟當利兵訓卒息烽候於三邊耀武懷
荒宣皇威於萬里無任悚荷屏營之至

謝入朝表

玄宗

李邕

臣邕言伏奉七月十五日恩勅許臣會計京師者止水一
盃忽聞朝海枯查八月更得一作睹浮天臣某中謝臣以幽
遐必察者日月之照明憔悴皆霑者雨露之恩廣伏惟陛
下天德陰騭神功獨斷咸造吹萬容至於工養報通三大
及於小豈臣微物得預洪鑪在昔全生已承曲記斯今上
計再荷特恩戴盆之心仰天有望出籠之鳥飛空可期方
將蹈舞闕庭慙戴咫尺葉公宿願一覩真龍岐下遺昨忻
逢聖主無任喜躍慙荷之至

謝書上考表

玄宗

李邕

臣某言伏奉今日日聖恩鑒以薄能光賜上考御詞激物

睿獎動時戴天不類表勝跼地無所臣某中謝臣聞荷再作矣造者過於有情勸庶工者盡於有位莫不宣其力竭乃誠欣赴前侍耻居後毀者蓋以萬數則區區揚化眇眇納忠自化彭蠡之魚更是海濱之鴈伏惟陛下大和布氣巨壑流津宇宙開明既照類表纖草山河鮮潤每納昆蟲豈臣作照凋枯復霑雨露天漢之上遙記嚴平宣室之中興言賈誼摧羽挿翼忽飛翥於雲霄暴鯁捷鱗重游泳於溟渤豈有循吏得預詞林鼯鼠軒墀鷓鴣鍾鼓徒驚獎飾益用慙惶况乎政術空虛衰述累積文高日月辰象法之不逮德厚嵩華羣岳朝之莫階雖郭隗濫觴明主有所蓄意然邵信敦本微臣不敢負人慶抃則深憂懼亦切無所報國空以

苦心不任感荷欣惕之至

為李大夫謝恩表 肅宗

常袞

臣某言伏奉聖恩捨臣罪累復臣班榮承命驚慙戴恩惶抃臣某誠歡誠懼頓首頓首伏惟乾元光天文武大聖至德孝感皇帝陛下俯寬國法大庇宗枝兄抵憲章已從輕典臣合緣坐又貸殊私雷霆解威日月廻照枯木之上殘花忽開死灰之中餘燼再蕪曲成含育特荷仁慈一門感恩萬死何効謹奉表陳謝以聞臣某誠歡誠喜頓首頓首謹言

為張監謝天長節答賜表 玄宗 于邵

臣某言伏奉恩命賜臣若干物寵錫自天兢覓無地臣某

誠歡誠喜頓首頓首伏惟開元天地大寶聖文神武應道
皇帝陛下寶運應期金秋表節慶邁賡歌之曲歡同率土
之濱循之由衷無以展禮輒獻衣鏡式陳懇款不謂聖慈
迴顧允納涓涔宸光曲臨行及惠賜載驚載懼罔知攸處
臣本愚直早荷賞延陛下念舊勲庸擢臣專典御府盡忠
不足報德勞力豈曰幹時空勤日慎之心以副夙興之戒
無任感戴屏營之至謹奉表陳謝以聞臣某誠歡誠喜頓
首頓首謹言

為崔鄴公謝勅追赴京表

前人

臣某言伏奉十二月日勅追赴京仍待史闕到即發恩私
曲被喜賀無從臣某中謝臣聞至誠感神雖微必應皇天
鑒物無幽不通伏惟陛下道貫乾坤明懸日月千年一聖
四海在寧臣實何人時逢昌運近緣荆襄微擾尚軫聖憂
不以臣之非才特加節制持綱憲府曳履文昌一日九遷
頻頻忝竊常恐委身江外朝滄海而無因豈意復命闕庭
隨白雲而有望遙思捧日預想朝天臣子之情倍萬恒品
不勝

謝恩寫真表

前人

臣某言今日日中使至伏奉聖慈特賜寫臣容貌絹圖一
本跪捧殊賜一作錫競拊交馳臣某中謝臣聞兩漢功勳國

朝將相咸傳風彩遂列丹青非為當代之榮亦欲後來之
識臣功無半古貌未出群叨承明主之恩久冠台司之首

重蒙渥澤特降畫工神既盡傳照無遺寫從衰朽之質別
荷寵光分遭遇之形長含喜氣誠慙鎮俗頗近恭人祗嚴
如見於大賓拂飾信歸於天造驅馳聖運撫躬未負於微
誠唐突前賢顧影不無於愧色足以流傳不朽舒卷無窮
君父廻恩便是百身之報子孫為寶知承一顧之榮無任
兢荷屏營之至

為崔僕射謝恩賜表

代宗

前人

臣某言某官某至伏奉勅書仍賜手詔并諸錫賚

一作錫等

宸聰睿眷一以及臣舉族同歡致身無據臣誠歡誠喜頓
首頓首臣聞自古明哲之君以化天下也莫不乘時制變
因弊立法既資國體亦在使人常準大端不失其道伏惟
實應元聖文武皇帝陛下隱旒思理宵衣布政臨萬物而
含弘不測明四察而英斷非常去邪勿疑則滌除汙俗渴
賢致理則振拔時淹納強諫而如流佇沃心而不足徵臣
何幸屬會昌期今四罪咸伏八蠻慕義祿有所及刑無所
寃拜鼓登聞申明理匪發令而雍熙日洽推心而反側自
安何負阻而不來何假威而不敗太宗聖化復見於今文
命賡歌詎慙希古日宣九德千載難逢然則靡不有初前
史攸誠知始知卒唯聖能之今陛下發自宸衷慇懃詔命
克念作聖期於必然無任拜舞歡欣之至謹遣某官奉表
陳賀以聞

謝恩表

代宗

蕭元甫

臣某言中使楊華林至伏奉勅書慰臣及將士者祇奉寵靈進退競惕臣某中謝臣本書生素非公器恭守憲令所期自勉惣司戎律實非所長頃者宜州用兵皆以詔書從事但悉所管兵馬稟副元帥文符幸隨衆軍克有成功皆王縉指蹤之力袁條致命之功群帥成之在臣何有今又曲承霑澤特賜天書任重材微恩深効淺拜舞之下戰汗無從不任歡喜踴躍之至

同前

前人

臣某言中使鎮軍大將軍行左威衛大將楊宗敬至奉勅宣慰臣等清問俯臨競懼交集臣某中謝臣識非務大才不逮人依日月之末光叨藩條之重寄臣之薄劣實負寵榮頃年以來寇賊漸息時將休泰人自康寧臣但布皇恩恭行憲令待罪而已致理無聞曠官之責未書備照之榮已及再三循省何以克堪蹈舞徘徊唯增戰越不任欣躍之至

爲百官謝放朝表

高郢

臣某等言中書門下奉宣進旨緣天寒常參官放朝者伏惟皇帝陛下憂勤致理惻隱無遺節應初寒仁深潤下宵衣之際天意迫於周行挾纊之恩群臣照於堯日無任欣荷感銘之至

爲京兆尹捉賊不獲謝恩表

前人

臣某言臣亡兄某頃於興平縣界遇賊劫死臣辱司京尹

職在肅清不能屏息姦回乃今害及骨肉既負曠官之責
仍積私門之恨此賊漏網臣亦何顏况以私讐上貽聖德
寬臣弛慢之罪哀臣死喪之戚類降德音容臣追捕又恐
事端皆知巢穴緣是行營官健未敢懸有追擒計會往來
遂淹旬日以今月某日於某縣界捉獲所射臣兄賊某軍
行官某弁同伴若干人此乃天意除害轅門奉法不然則
萑蒲之盜安得盡誅冥漠之魂猶將永恨擒姦擿伏仰荷
聖威雪憤申冤俯獲私願生死蒙施無階上答無任

爲京兆常尹謝許折糴表

劉禹錫

見集本

臣某言伏奉詔旨臣所請畿內折糴宜令度支計會定數
奏來者天慈廣被人瘼是求臣其中謝臣自理京邑不先
威刑惟務便安所期富庶每因賜對常奉德音府縣之間
巨細令奏伏以聖明在上風雨應時順成之年穀糴常賤
若無輕重之法必利兼并之家輒敢上聞請行折糴天光
下燭幽隱無遺宣付所司允臣所奏事關理本惠及生靈
臣忝尹京倍百欣荷

謝差中使送上表

前人

臣某言中使吐突仕曉至奉宣聖旨慰諭并送臣至本任
者深山遠郡忽降王人跪受恩榮仰瞻宸極伏以發自巴
硤至于南荒陟水陸湍險之途當炎夏鬱蒸之候山川縈
轉晨夜奔馳幸無他疾得至本管九重結戀遙傾捧日之
心萬里獲安皆荷自天之祐無任

云云

謝獎諭表 憲宗

馬審

臣某言今月日本道監軍使內侍省宮闈令劉某至伏奉
 某月日勅書并賜臣手詔奉宣口勅特加獎諭將士官吏
 百姓僧道等並蒙宣慰存問者王人旋鎮宸藻自天敷德
 澤於藩維被恩波於動植爰及介冑逮於縉紳一作榮祗一作寵
 若驚交抃無措臣某中謝伏惟睿聖文武皇帝陛下恭承
 寶圖奄宅區寓一物失所必軫於憂勤一善可稱無忘於
 獎勗義深共理務在擇人昇平之運實遇今日臣以儒流
 賤品生遇聖明雖力罄駑駘而効無絲髮皇明鑒澈撫勞
 再三黎甿既荷於生成尸素稍寬於罪責揣循涯分木石
 增慙又降殊私曲沾睿渥慰諭之意稠疊於頒宣藻飾之
 榮昭彰於綸綍無微不至該地里雖介於炎荒天
 威如在於咫尺所期俗阜以洽邕熙

謝追赴闕庭表 憲宗

前人

臣某言某月日度支急通到伏奉某月日勅追臣赴闕庭
 者鴻恩曲被宸翰忽臨來自天衷出於望表抃躍無地光
 輝在身臣某中謝伏惟睿聖文武皇帝陛下以至仁格物
 玄德統乾臣孤立愚直素空器藝朝無瓜葛之援外絕朋
 黨之私以苦抱忠自托明代神理照鑒天聰自仁遂忝再
 領近州一居方鎮前歲延英面辭之日親受聖慈意自身何
 咎三復在心銘肌鏤骨恐不負荷洎祗恩赴任陳力在公
 海隅黔黎日樂皇化至於軍州經諸道往來但守官司不

虞謗謫以丹心奉上仰恃宸威函經二年首陟三載幸無
罪戾皆荷生成陛下聖慈優柔皇鑒明朗不遺一物信若
四時果降中詔特令赴闕恩崇感極義切戀深顧親族而
生輝望雲霄而有喜以今月五日發離本鎮冠期妻道計
日趨程翬馳軒階心注晷刻朝天既近承雨露而增榮向
闕匪遙望恩光而稱慶

代李侍郎謝用內庫錢充軍資表

代宗

呂溫

臣某言今月十三日面奉進旨其南郊賞設錢恐度支支
計闕少以庫內錢充者臣聞王者以四海為家君道唯百
姓與足象天平施而無別如地生財而不私薄奉已而厚
奉公重從人而輕從欲知則孔易行之惟艱曠代莫聞今

日斯遇伏惟皇帝陛下誕膺駿命富有萬邦而能寶玄光
慈儉之宗奉列聖憂勤之緒臣謬司禹貢竊見堯心非戎
祀之用無急宣非軌物之經無別獻土木之功遂聞於廢
息恩幸之賜始絕于霜霑固已行路謳吟縉紳拊歎者久
矣伏以郊禋有日慶澤自天楚師思挾續之恩漢將望解
衣之惠國存舊典事有恒規臣在集作職司敢不供集陛
下憐江淮甫罹旱暵一作念庸蜀新羅大兵雖經費有餘

而聖慮猶軫昨因伏奏親奉德音悉擬出集作內府金錢

御服繒絲約躬節用濟一作國贍軍允叶師和克虔一作

祀事必知感神人之德未酌獻而幽通動天地之誠先燎
烟而上達百祥所降萬福攸宜信可以光洽寰區變掩圖

篆家知自遂戶識至八公風人寢杼軸之詩黔首臻富庶之
域微臣何幸獲覩昇平至德難名載深感躍無任喜抃激
切之至謹奉表陳謝以聞

校正二十字

十月初三日

文苑英華卷第五百九十一